



مشیخت جلیله اسلامیه نک جریده رسمیه سیدر

جادی الاخره ۱۳۳۴ [*]

اوپنچی سنه

آیده بر نشر اولنور

عددو : ۲۴

نقّه اعطا وارسال ایتدیکی کبی مزبورہ ایچون نفقه اخذ و تحصیلی متعذر اولدینی بر موجب شہادت مذکورہ ثابت اولغین موجبہ مزبورہ آمنہ نکت خانمک مزبور رستم آغا ایله بیلرندہ قائم اولان نکاح فسخ اولدینی تسجیل واستانبول محکمہ سندن اعلام اولندی فی الیوم السادس والعشرين من رجب الفرد لسنة اربع وثلثین وثلثمائة والف فتواخانہ عالی تحشیہ سی

مہری مطابق ومالی بروجہ محرر فسخ نکاح اولدینی بیاندن عبارت اولغله مجلس تدقیقات شرعیہ یہ تودیع اولندی .



فتواخانہ عالی مک مقررات نقضیہ سی

ازینہ محکمہ شرعیہ سندن اعطا اولنان ۲ رجب سنہ ۳۳۴ تاریخلی اعلامک اسباب نقضی : متوفای مرقومک ساکن بولندینی منزل دروندہ بولندینی صورت اشعاردن منہم و طرفینہ صالح بولنان مدعاہہ قوانر حقندہ مجلہ نک ۱۷۷۲ مادہ سی موجبہ قول مدعیہ مزبورہ نک اولہرق بینہ مدعی علیہ متوجہ بولندینی نظر دقتہ آلہرق اول امرده مدعی علیہ مرقومدن ترجیحا بینہ طلب واستماعی مقتضی ایکن بو جہتہ مراعات ایدلماش و طرف شہادتہ قوانرک قیمتلی ذکر اولنماش اولدیغدن سبکی خللدن غیر خالیدر .



بولوادیق قضاسی محکمہ شرعیہ سندن اعطا اولنان ۱۸ رجب سنہ ۳۳۳ تاریخلی اعلامک اسباب نقضی :

اعلام مذکورده مدعی علیہ مرقوم مبرز سند کندوسنک اولدینی وانحق متوفایہ دینی اولیوب محتوی اولدینی مبلغ رأس مال مضاربہ دن عبارت بولندینی افادہ ایدہ رک مدعیلر طرفندن برای شہادت احضار واستماع ایدیلن کسانک افادہ مضبوطہ لری دخی یو جہتی موضح بولنسنہ و قبل التحصیل رأس المال حقندہ طرفین عاقدینک وجہ محرر اوزرہ تصرفلری شرعا غیر معتبر اولہرق رأس المال کاملا صاحبہ عائد ومضاربہ نک صحتی

حالده آنجق فائده حاصله نك رب المال ايله مضارب ميانه لرنده حسب الشرط اقسامي مقتضى اولسنه نظراً حادثه ده بر منوال مشروح توقيع قلنان حككم مداری مفقود اولديغندن سبكي مختلدر .

*
**

قيصريه سنجاقى محكمه شرعيه سندن اعطا اولنان ۲۳ شعبان سنه ۳۳۳ تاريخلى حجت بروجه آتى منقوضدر :

حجت مذكوره ده مدعيه مزبورده نك اصولى وجهله ذاتنك تعريف ايدليكنه ومزبورده خيره نك تحت حضانه ده صغيره بولنديغنه واصلا مالى اولديغنه تعرض اولتماقوله برابر حادثه ده زوجيت ونسب حق لرنده بينه معمله استماعى وآنجق زوجيت ونسبه حكم توقيع ايدليوب مزبورده خيره حقنده من عليه النفقه بولنان باباسى غائب مزبورك حالى نظره آلهرق اول وجهله تقدير نفقه مقتضى ايكن جهات مذكوره ده مراعات اولتماش وشكل يمين دخی حجت درج ايدلماش اولديغندن شايان قبول كورلماشدر .

*
**

ازينه محكمه شرعيه سندن اعطا اولنان ۲۶ رجب سنه ۳۳۴ تاريخلى اعلامك اسباب نقضى :
حين هبه ده صغير مزبور زنجينك باباسى حسنك متوفى اولديغنه وصغير مزبور واهب جد مزبورك عيالنده بولنديغنه وطرف شهادتده مذكور مركبك قيمتك بياننه تعرض اولتماديغندن نقصان وخللدن غير خاليدر .

*
**

باليكسرى محكمه شرعيه سندن اعطا اولنان ۲۳ جمادى الاخره سنه ۳۳۴ تاريخلى اعلامك اسباب نقضى :

حادثه ده زوج غائب مزبور دن تحصيل نفقه نك متعذر بولنديغنى بينه معمله ايله بر نهج شرع على موقع ثبوت ايصال ايدلك مقتضى وبروجه محرر اخباره بالابتقا فسخ نكاحه قصدى مغاير اصول بولنش اولمغله شايان قبول كورلماشدر .

*
**

كوپرى قضاسى محكمه شرعيه سندن اعطا اولنان ۱۰ شعبان سنه ۱۳۳۳ تاريخلى اعلامك اسباب نقضى :

اعلام مذكوره خصوص مباحوث عنه حقنده كى محاكمات سابقه يني ناطق اولان

اعلامات محکمه‌دن اوچوز اون ایکی تاریخی اعلامده منزل وعقارات واموال مدعا بهای مذکوره دن حصه ارثیه طلبنه قارشو اموال مبحوثه نك موكلنك ملكی اولدیغنه دائر مدعی علیه وکیلنك متوفاه مرقومه نك اقرار واقعی سبب تملك اتخاذا ایدرك وجه محرر اوزره تصدی ایتیش اولدیغی مدافعه سی غیر صحیح اولقله برابر مدعیلرك تعقیب دعوی ایتملری اوزره محاکمه نك علی حاله ترکی ایجاب ایدركن مدعیلره وکیل مسخر نصیله مدافعه غیر صحیحه مذکوره یه شاهد استماعنه تصدی ایدلش و صورت شهادت نقصان و مدار اتخاذه غیر صالح بولنش اولدیغندن اعلام محکی مذکور قبوله شایان اولدیغی کی مؤخرآ صادر اولوب تنفیذ ایدلدیکی حکایه اولتان اوچوز اونوز بر تاریخی اعلام غیابیده طرفین وکیللرینك وکالتلری مسجله ویا مثبت و نه خصوصه متدائر اولدیغنه و منقولات مدعا بهانك قیمتلرینك بیاننه تعرض ایدلدیکندن دعوای مذکوره غیر مصححه واموال مذکوره نك موجودیتنی اعلام سابقده مدعی علیه طرفی مقرر و معترف بولندقلری حالده اخیرآ انکاره تصدی ایتلری بی معنی و بروجه محرر اجرا ایدیلان یمینك شکلی مشوش و غیر مستقیم واموال غیر منقوله مذکوره حقنده کی شهادت درج ایدلدیکندن ثبوت مدعا به کفایتی غیر منقسم بولنش و حادثه ده متوفیتان مزبور تانك انحصار وراثت لری نك بالینه المعدله ثبوتی مقتضی ایکن تصادق ایله اکتفا ایدلمسسه و آخر محله دن اجرا ایدیلان ترکیه علیه نك مستند شرعیسی کوسترلمش اولدیغندن اعلام غیابی مبحوث دخی سراپا مختل اولوب اعلام وجاهی اخیرده کی معترض مرقومك طالب صلح اولدیغنه و اولوجه له مدعای اقرار ایدلدیکنه متدائر معترض علیه لرك افاده واقعه لری قول و ادعای مجرد لرنده بر اقلدیغی و معترض مرقومك طالب صلحه دائر اولان افاده سی درج ایدلدیکی جهتله اساس طلب غیر منقسم اولقله برابر وقوعی حالنده طلبك دعوادن ویا مال دن صاعه عأدتی تدقیق ایدیلر ك تین ایده جك حاله کوره مقتضاسنك ایفاسی ایجاب ایدركن بر منوال محرر حکم غیابی مبحوثك تنفیذینه تصدی ایدلش و اول و آخر سبق ایدن محاکمته صحت و سلامت مفقود بولنش اولمغله بالوجه قبوله غیر شایان در.

